



‘सर्वोच्चया परमादेश खारेज यायगु प्रक्रिया न्ह्याकेमाः’ यै मनपाया सुचंविरुद्ध संघर्ष समिति स्वन

• लहना संवाददाता

सर्वोच्च अदालतं यैया बागमति, विष्णुमति व मनोहरा खुसि सिथय ४० मिटर तक क्षेत्र दुने छै दने दइमखु धकाः विउगु परमादेशयात यै महानगरपालिकां कार्यान्वयन यायेगु सुचं जारी यायेवं उकियात कयाः विरोध यायेगुया लिसे संघर्ष समिति नीस्वनाः आन्दोलन न्ह्याकीगु जूगु दु ।



यै महानगरपालिकां पिकाःगु सुचंयात कयाः यै महानगरपालिकाया पुलांम्ह मेयर विद्यासुन्दर शाक्यं सर्वोच्च अदालतया परमादेश यै महानगरपालिकाया नितिं जक मखुसै मुक्कं देयवासीया हितय जक मदुगु मखुसै यै महानगरपालिकाया हितय मदुगु खँ धयादीगु दु । वय कलं सर्वोच्च अदालतया परमादेश स्वयां नं यै महानगरपालिकाया सुचं अझ ग्यानापूगु खँ नं धयादीगु दु ।

वयकलं कानुन मदयकूग अवस्थाय सरकारं न्हापा गुगु मापदण्ड दयेकातःगु दु उकिया थप २० मिटर क्षेत्रय निर्माण यायगु ज्या याय मदइगु व यदि दयकाचंगु खःसा उकियात पनेगु धकाः वःगु उकिं मुक्कं महानगरवासीयात प्रभावित याःगु खँ धयादीगु दु ।

सर्वोच्च अदालतया परमादेश लिपा यै महानगरपालिकां प्रमुख स्तरीय निर्णय धकाः मदुगु अधिकार छ्यलाः जारी याःगु सुचंया तत्काल खारेज यायमाःगु खँ नं पुलांम्ह मेयर शाक्यं धयादीगु दु । लिसे वयकलं सर्वोच्च अदालतं जारी याःगु परमादेश खारेज यायमा धासै धयादिल, जिं नेपाल सरकार, प्रदेश सरकारया लिसे सकलै महानगरवासीयात इनाप यानाचवना कि सर्वोच्च अदालतं गुगु परमादेश जारी याःगु दु उकियात खारेज याकेगु प्रक्रिया न्ह्याकेमाः ।

वयकलं टुकुचा खुसि सिथय थौकन्हय ४ मिटर मापदण्ड दुगु खःसा आः उकियात २० मिटर कायम यायवलय खुसि थुकिं चंगु द्वलंछः छै थुनेमालिगु अवस्था वइ धासै अज्याःगु अवस्थाय राज्य खर्च व्यहोरे याय फइ कि फइमखु धकाः न्ह्यसः

नं न्यनादीगु दु । उकथं हे वयकलं सर्वोच्च अदालतया परमादेश खारेज यायत व यै महानगरपालिकां याःगु निर्णय महानगरवासीया हितय मदुगु जक मखुसै अदालतं याःगु निर्णय

वःगु सुचंया कारणं यानाः देय्या अर्थतन्त्र हे उथल पुथल जुइ फइगु खँ नं धयादीगु दु । अथे हे वयकलं सर्वोच्च अदालतया आदेश जनताया हितय

दुगु संघर्ष समिति नीस्वंगु दु । वंगु शुक्रवाः यैय छगू ज्याभवःया दथुइ संघर्ष समिति घोषणा याःगु खः । संघर्ष समितिं यैया सतक विस्तार पीडितया लिसे जानाः मंकाः संघर्ष



खारेज यायगु प्रक्रिया न्ह्याःवनेमाःगु खःसा अखतं जनतां विरुद्ध जारी याःगु सुचं तत्काल लित कायमाःगु खँ धयादीगु दु ।

उकथं हे वयकलं यै महानगरपालिका दुने एमालेपाखे निर्वाचित जुयादीपिं जनप्रतिनिधितयत यै महानगरपालिकाया सुचं खारेज याकेगु नितिं न्ह्याःवनेत निर्देशन नं बियादीगु दु । उकथं हे वयकलं बैक त्यासा कयाः जग्गा न्यानाः छै दयकेगु प्रक्रिया न्ह्यानाचंगु इलय छै दनेगु प्रक्रिया तक दिकेगु धकाः

दइगु खःसा प्रक्रिया कथं न्ह्यायमाःगु व गलत खःसा उकियात भिकेगु नितिं सरकारयात इनाप नं यानादीगु दु । वयकलं सर्वोच्च अदालतया आदेश बारे आम जनतां मथुयाचंगु इलय सतकय वयाः आन्दोलन यायमालिगु खँ नं धयादीगु दु । थ्वहे भवलय सर्वोच्च अदालतया परमादेश व यै महानगरपालिकाया सुचं विरुद्ध आन्दोलन यायगु नितिं सतक विस्तार पीडित संघर्ष समितिया अध्यक्ष सुमन साय्मिया अध्यक्षताय ५१ म्ह दुजः

न्ह्याकेगु निर्णय याःगु खः । सहलह ज्याभवलय बागमति प्रदेशया पुलांम्ह मन्त्री शैलेन्द्र बज्राचार्य सर्वोच्चया फैसला जनतां पालना यायेमाःगु खःसां नं जनतायात हे मार लाकीगु निर्णय जूगुलिं अज्याःगु निर्णय हिलेत जनतां दबाव बीमाःगु खँ धयादीगु दु । उकथं हे अधिवक्ता लिसे अभियन्ता जितेन्द्र बज्राचार्य सर्वोच्च अदालतं याःगु फैसला मानव अधिकार व सम्पत्तिया अधिकार सम्बन्धी संविधानं बियातःगु थीथी धाराया विरुद्ध

श्रद्धेय भिक्षु गुणघोषयात आक्रमण थीथी संस्थापाखे विरोध



लहना वाःपौ/नेपाःया थेरवाद भिक्षुमध्ये निम्हम्ह थकालिम्ह भिक्षु उपसंघनायक श्रद्धेय भिक्षु गुणघोष महास्थविरयात आक्रमण याःगु दु । वसपोलयात वंगु भदौ ६ गते विहीवाः खुँतय्सं दायाः धाःपाः याना बिउगु खः । धौख्यःस्थित पूर्वाराम विहारया प्रमुख जुया बिज्यानाचंगु ८४ दँया ज्याथःम्ह भिक्षुयात विहारय हे याकःचा चवनाचंगु इलय खुँतय्सं दायाः लुटे याना यंकूगु खः । खुँतय्सं आक्रमण याःगुलिं

वसपोलयात ख्वालय व मिखाय बांमलाक धाः जूगु दु । धाःपाः जूम्ह वसपोलया धौख्यःया धुलिखेल मेडिकल अस्पतालया वासः याकाबिज्याःगु दु । खुँतय आक्रमणया कारणं वसपोलया ख्वालय वैचुक नीलदाम दुगु नापं मिखाय नं बांमलाक धाः जुयाचंगु अस्पताल प्रशासनं जानकारी बिउगु दु । छ्यनय नं आपालं धाः खनेदुगुलिं अस्पतालया आइसीयुलय वासः ल्यं ७ पेजय





नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्ट्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्य लुइ कर्पं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



विश्वविद्यालय धात्थें असुरक्षित हे खःला ?

शिक्षा लिसें प्रविधि मन्त्री विद्या भट्टराई सार्वजनिक संचार माध्यमं त्रिभुवन विश्वविद्यालय सुरक्षाया निति गृहमन्त्रीयात ध्यानाकर्षण याःगु दु । थः स्वयं सरकारय् दुथ्याम्ह मन्त्रीपाखें सुरक्षा व्यवस्थाया माग यायेमाःगु थ्व अवस्थां देय्या सुरक्षा स्थिति गुखेपाखे न्ह्यानाच्वन धइगु न्ह्यसः ब्वलंकाः बिउगु दु । छु विश्वविद्यालयया धात्थें हे असुरक्षित जूगु खःला ? थुकथं विश्वविद्यालय असुरक्षित जूगु कारण छु खः ? गम्भीर न्ह्यसः ब्वलंगु दु ! तर प्रहरीं दोषीयात कारवाहीया माग यानाः उजुरी मवःगु व स्थिति असामान्य मज्गु दाबी यानाच्वंगु दु । मेखे त्रिबिया पदाधिकारीपिसं धम्की वयेधुंकाः सुरक्षाया कारणं विश्वविद्यालय दुहां वने मफयाच्वंगु धकाः धायेगु यानाच्वंगु दु । त्रिभुवन विश्वविद्यालयया प्राध्यापकपिंत सुनां ल्याच्वः बिल, सुयात बिल, छाया व गुबलय् बिल धइगु खँ धाःसा सार्वजनिक जूगु मदुनि । उकिं थ्व असुरक्षाया विषय राजनीतिक स्वार्थया नितिं अतिरञ्जित जक मखु ला धइगु शंका ब्वलंगु दु ।

असुरक्षाया विषय सार्वजनिक रुपं ल्ह्वनादीम्ह मन्त्री भट्टराई नं असुरक्षाया कारण छु खः धइगु संकेत बियादीगु दु । सुरक्षाया नितिं सार्वजनिक इनापय् गृहमन्त्री रमेश लेखकया संकेत यानादीगु दु । त्रिबिया पदाधिकारीतय्त असुरक्षाय् गृहमन्त्रीया संरक्षण दुगु खःसा थ्व गम्भीर खँ खः । थुगु बिषययात कयाः शिक्षा मन्त्री हे सार्वजनिक रुपं असुरक्षाया खँ ल्ह्वनेमाःगु खँयात प्रधानमन्त्री खड्गप्रसाद ओलीं गम्भीर रुपं कायेमाः । मन्त्री भट्टराईया कथं गृहमन्त्रीपाखे हे विश्वविद्यालयया प्राध्यापकपिं असुरक्षित जूगु खःसा गृहमन्त्रीयात पदं चीकेमाः । प्रधानमन्त्रीया नेतृत्वय् दुगु दलया हे मन्त्रीं थःगु विभाग असुरक्षित जूगु द्वपं बीगु धइगु गम्भीर न्ह्यसः खः । अले थज्याःगु न्ह्यसः ब्वलनिगु धइगु गठबन्धन दल दथुइ गुगुं नं कथंया तालमेल मिले मज्गु संकेत न खयेफु । प्रधानमन्त्री त्रिविया पदेन कुलपति नं जूगुलिं थ्व द्वपंयात बेवास्ता यायेगु खँ जुइ मखु । पिनें स्वयेबलय् शिक्षा मन्त्रीं सार्वजनिक इनाप यायेमाःगु कथंया असुरक्षाया स्थिति खनेमदु । तर विश्वविद्यालय थंज्याःगु क्षेत्रय् सुरक्षा संवेदनशील विषययात थुकथं द्वपं बिउगुया लिउने दुगु कारण छु खः धकाः शिक्षा मन्त्री स्पष्ट यायेमाः । अले शिक्षा मन्त्री व गृहमन्त्री दथुइ ब्वलनाच्वंगु विवादयात गुलि फु उलि याकनं ज्येकेगु ज्या प्रधानमन्त्री तत्काल यायेमाःगु आवश्यकता दु । छगू हे सरकारय् च्वनाः निम्ह मन्त्री दथुइ ब्वलनिगु बिबाद निश्चित रुपं पाच्य जुइ मखु । अले विश्वविद्यालययात कयाः जुइगु थज्याःगु विवादं अन्ततः सरकारया क्षमताय् न्ह्यसः ब्वलनेफु । थ्व खँय् प्रधानमन्त्री सचेत जुइमाः ।

क्षयीकरण जुयाः वनाच्वंगु नेपाःया राजनीतिक पार्टी



दिलीप शाही “शान्तिज्यजु”

नेपाःया राजनीति क्षयीकरण जुयाच्वंगु दु । २०४७ सालया सफल जनआन्दोलन लिपा आम सर्वसाधारण जनताया दथुइ छगू कथं आशा ब्वलंगु खः आः नेपालय् छुं हिउपाः वइ । तर २०४७ साल लिपा नेपाःया राजनीतिइ थुलि फोहरी कासा जुल कि उकिं यानाः आम जनताया दथुइ राजनीतियात कयाः हे वितृष्णा ब्वलनेगु ज्या जुल । थीथी काण्डया निसें सत्ताया निर्ति सुरा व सुन्दरी काण्डं तक थ्यंबलय् नेपाःया जनतां राजनीतिक पार्टीत खतम जुल धइगु ताय्केमाःगु अवस्था वल ।

खय्त ला प्रजातन्त्र पुर्नस्थापना जुइवं उगु इलय् नेपाली कांग्रेसपाखे आपालं जनता उत्साहित जुयाः पार्टीया कार्यकर्ता कथं ज्या याःगु खः । तर जब बुलुहुं कांग्रेस सरकारया दुगु इलय् थीथी कथंया भ्रष्टाचार निसें थःगु बहुमत दुगु सरकारयात विघटन यानाः २०५१ सालय् मध्यावति निर्वाचन घोषणा यात ।

गुक्रिया लिच्वः कथं मध्यावति निर्वाचनय् कांग्रेसयात बहुमत मवल । लिच्वः कथं नेकपा एमाले अल्पमतया सरकार दयेकल । कांग्रेस विपक्षय् च्वनेत बाध्य जुल । वयां लिपा कांग्रेस प्रति दुगु आकर्षण नं म्हो जुया वन ।

कांग्रेस लिपा लाइम लाइटय् वःगु मेगु पार्टी खः नेकपा एमाले । २०५१ सालया मध्यावति लिपा अल्पमतया प्रधानमन्त्री जुयादीम्ह अधिकारी ‘आफ्नो गाँउ, आफै बनाउँ’, गां गामय् सहकारी व ७५ दँ च्वय्यापिंत वृद्ध भत्ता बीगु ज्याइवलं आपालं मनूत प्रभावित जूगु खः । तर वय्कलं गुला तक जक सरकार चले याय् खन ।

वय्कः विरुद्ध अविश्वासया प्रस्ताव तयाः वय्कःयात प्रधानमन्त्री पदं चीकूगु खः । तर नं एमालेया आकर्षण म्हो मजू । तर एमालेया मन्त्रीतय्सं याःगु थीथी काण्डया कारणं एमाले नं विस्तारं बदनामया लँपुइ वन । गुकिं यानाः आम सर्वसाधारण दथुइ एमालेया आकर्षण नं म्हो जुल । अभ्र धाय्गु खःसा २०४७ लिपा निसें २०५९ साल तक सत्ताया नितिं पार्टी तछ्याय्गु व हाकनं सत्ताया नितिं हे पार्टी छप्यं जुइगु ज्या नं मज्गु मखु । तर थुकिं आम सर्वसाधारण जनतायात धाःसा निराशा बाहेक मेता छुं बीमफु ।

बरु माओवादी थीथी ४१ बुँदे माग तयाः २०५१ साल फागुन १ गते निसें न्ह्याकूगु जनयुद्धयात मलजल याय्गु ज्या धाःसा तत्कालीन राजनीतिक पार्टीपाखे जूवन । गुक्रिया

कारणं थीथी राजनीतिक पार्टी प्रति वितृष्णा जुयाच्वपिं कार्यकर्ताया आकर्षणया केन्द्र माओवादी जूवन । विशेष यानाः उगु इलय् नेकपा एमाले व नेकपा मालेया आपालं नेता कार्यकर्ता माओवादीइ आकर्षित जूगु खः । अले माओवादी प्रति थ्व आकर्षण नं २०६२/६३ सालया आन्दोलन तक निरन्तर जुयातुं च्वन ।

२०६२/६३ साल लिपा लाइम लाइटय् वःगु पार्टी खः नेकपा माओवादी । आन्दोलन सफल जुइधुंकाः माओवादी प्रति जनता थुलि आकर्षण जुल कि । थीथी पार्टीया नेता कार्यकर्ता माओवादी जूगु जक मखु ।

न्हापांखुसी २०६४ साल चैत २८ गते जूगु संविधानसभाया चुनावय् माओवादी बहुमत हयेत ताःलात । तर थीथी कारणं यानाः न्हापांगु संविधानसभा संविधान जारी जुइ

खः रविन्द्र मिश्रया साभा पार्टी’ व ‘विवेकशील’ पार्टी । थ्व निगू पार्टी नं छगू कथंया जनताया आकर्षण मज्गु मखु । अभ्र वैचारिक रुपं निगुलिं पार्टीया छगू हे जूगु धासैं निगू पार्टी एकीकरण यानाः ‘विवेकशील साभा पार्टी’ धकाः नीस्वनेगु ज्या नं जूगु खः । तर नेतातय् दथुइ ब्वलंगु थीथी कथंया विवादया कारणं यानाः अन्ततः थ्व पार्टीया अस्तित्व तक संकटया अवस्थाय् दु ।

वयां लिपा आम निर्वाचन २०७९ मंसिर ४ गते जूगु निर्वाचनय् चर्चाय् वःगु पार्टी खः राष्ट्रिय स्वतन्त्र पार्टी । आम निर्वाचनया इवलया आपालं जनतायात आकर्षित याय्त ताःलाःगु थ्व पार्टी निर्वाचनया छुं ई लिपा निसें थःगु क्षयीकरण शुरु याःगु खः ।

विशेषतः पार्टीया अध्यक्ष रवि लामिछानेया नागरिकता व पासपोर्ट

निगूगु संविधानसभा संविधान जारी जुइधुंकाः लाइम लाइटय् वःगु पार्टी खः ‘नयाँ शक्ति नेपाल’ संविधानसभा जारी जूगु संविधान बागु गिलास जाःगु व बागु गिलास खाली जूगु धासैं नेकपा माओवादी त्वःताः न्हू कथंया राजनीति न्ह्याकेगु धकाः माओवादी त्वःताः वःगु बाबुराम भट्टराईया पार्टी स्थापना याय्गु इलय् तक थुलि मनूत दुगु खः कि आम बाबुराम भट्टराई हे न्हू कथंया पार्टी दय्कीगु जक मखु न्ह्याकीगु आशा आम सर्वसाधारण जनतां याःगु खः ।

मफयेवं निगूगु संविधानसभाय् नेकपा माओवादी स्वंगूगु थासय् लात । गुक्रिया लिच्वः कथं माओवादी बुलुहुं क्षयीकरण जुजुं वनाच्वंगु महसुस जुयाच्वंगु दु ।

२०६२/६३ साल आन्दोलनय् लाइम लाइटय् वःगु मेगु पार्टी खः मधेशी जनअधिकार फोरम । तर थौं वयाः थ्व पार्टीया अवस्था नं स्वयं लायक जुयाच्वंगु दु ।

निगूगु संविधानसभा संविधान जारी जुइधुंकाः लाइम लाइटय् वःगु पार्टी खः ‘नयाँ शक्ति नेपाल’ संविधानसभा जारी जूगु संविधान बागु गिलास जाःगु व बागु गिलास खाली जूगु धासैं नेकपा माओवादी त्वःताः न्हू कथंया राजनीति न्ह्याकेगु धकाः माओवादी त्वःताः वःगु बाबुराम भट्टराईया पार्टी स्थापना याय्गु इलय् तक थुलि मनूत दुगु खः कि आम बाबुराम भट्टराई हे न्हू कथंया पार्टी दय्कीगु जक मखु न्ह्याकीगु आशा आम सर्वसाधारण जनतां याःगु खः । तर थौंया अवस्थाय् वयाः स्वयंगु खःसा बाबुराम भट्टराईया नयाँ शक्ति तनावनेधुंकूगु जक मखु अस्तित्व ल्यंकेत तक थाकुइगु अवस्था आः जुयाच्वंगु महसुस आम सर्वसाधारण जनतां यानाच्वंगु दु ।

थुकथं छगू लिपा मेगु पार्टी क्षयीकरण जुयाच्वंगु इलय् वःगु पार्टी

काण्ड जक मखु आः वयाः सहकारी काण्डया कारणं यानाः थ्व पार्टीया क्षयीकरण तीव्र रुपं न्ह्यानाच्वंगु दु ।

थुकथं २०४७ सालया प्रजातन्त्र स्थापना निसें २०६२/६३ सालया लिपा गणतन्त्र स्थापना लिपा नं नेपाःया प्रमुख राजनीतिक पार्टी जक मखु छगू इलय् जनतां आशा यानातःगु पार्टीत थुकथं क्षयीकरण छाया जुयाच्वन धइगु विषय थौं विश्लेषणया विषय जुयाच्वंगु दु ।

अभ्र थौंकन्हय् अवस्थाय् धाय्गु खःसा आम सर्वसाधारण जनतां राजनीतिक पार्टीयात विश्वास मयाच्वंगु अवस्था खः ।

अले थुक्रिया जिम्मेवार सुं खःसा राजनीतिक पार्टी हे खः धकाः धाय्माःगु अवस्था दुसा मेखे न्हूगु राजनीतिक पार्टी गठन जुइधुंकाः गुगु लाइम लाइटय् वय्गु ज्या जुइ अन नेतृत्व वर्ग जनता लिसे तापाय्गु कारणं नं राजनीतिक पार्टी क्षयीकरण जुयाः वनाच्वंगु खः धकाः धाय्माःगु अवस्था खः ।

नेपाःया राजनीतिक नेतातय्सं गबलय् तक आम सर्वसाधारण जनतायात मनयात त्याकेगु कुतः याइमखु उगु इलय् तक राजनीतिक पार्टीया क्षयीकरण निरन्तर जुयाच्वनी । थ्व खँय् राजनीतिक पार्टीया नेता कार्यकर्ता बिचाः याय्माःगु दु ।

प्रशान्त माली

“
 न्हयछैँ दाफा खलकं
 घाःसा प्यठहेसित कयत्त
 पुजा याःगु खःसा मिजंत
 मिसा जुयाः भमचा थेँ
 तासया वसः, तिसा तियाः
 मंकाः इहि यानाः नगर
 परिक्रमा याःगु खः ।
 नेवाः परम्परा कथं स्वदँ
 निसे भिंनिदँ दुनेया
 थी मजिउ मजूपिनि इहि
 याकेगु चलन दु । उकथं
 हे वैदेशिक रोजगार
 लिसे अध्ययनया नितिं
 विदेशय् वंषिं व उखे
 हे बूषिं मस्तय्गु इहि
 याय्गु व कय्ता पुजा
 यायेगु चलन तना
 वनाच्चंगु दु । उकियात
 नं व्यंग्य यायेकथं इहि
 व कय्ता पुजा यानाः
 नगर परिक्रमा यानागु
 खँ न्हयछैँ दाफा खलःया
 ज्ञानभक्त महर्जनं
 कनादिल ।

जात्राया इवल्य तःननी
त्वालय न्याम्हेस्यां ब्राह्मण्या भेष्य
'भ्रष्टाचारविरुद्ध कोटिहोम' नां वियाः
यज्ञ यानाच्चंगु दु। उमिसं 'नेतातयके
सदबुद्धि वयेमा, देशय समर्द्धि वयेमाः'



मेगु छगू पुचलं धाःसा तना
वनाच्चंगु थारू संस्कृति संरक्षण
यायेत सकस्यां चिउताः प्वंकेमाः
धासें थारू संस्कृति न्ह्यब्वःगु खः ।
सरकारी कार्यालयय् वाय्त्यः प्वाय्
त्यः यानातःगु क्वाडीया सामान

थेच्च सांस्कृतिक बाजा संरक्षण समितिया अध्यक्ष बाबुराम महर्जन संस्कृतियात पर्यटनलिसे स्वायुफत धाःसा आमदानी नं यायुफइगु खँ धयादीगु खः । वय्कलं थुनिया नितिं थीथी निकायय् समन्वय यायुगु कुतः जुयाच्वंगु जानकारी नं बियादीगु खः । वय्कलं दिइयुंकूगु बाजं हाकनं सञ्चालनय् हयगु कुतः जुयाच्वंगु खँ नं कनादीगु दु ।



अथे हे गोदावरी नगरपालिकाया
मेयर गजेन्द्र महर्जन मतया: जात्रा
सञ्चालन यायृत नगरपालिका
स्थापनाकालनिसैं ग्वाहालि याना
वयाच्चंगु खँ कनादिल । वय्क:या
कथं संस्कृति सम्पदा संरक्षणया निनिं
थेचव्यु सग्रहालय ज्या न्ह्या:गु खँ नं
कनादीगु दु । जात्राय् ब्वतिका:पिं मध्ये
उत्कृष्ट प्रदर्शन या:गु न्ह्यछैं दाफा
खल: न्हाप, त:ननी बाँसुरी खल: लिउ
व माली गां धिमे खल: लियां लिउ
ला:गु दुसा त्वा:यात बांलाक न्ह्यब्वय्
गलिं त:तनी त्वा: ला:गु दु ।



राम प्रजापति
प्रोफ़ाइटर

हारती मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ०१-५३०२९९९, मो. ९८०३९८०६९९

यहाँ:-

विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

[illegible]





स्वकंचा कैय आमलि तथा: नय भिं



पन्नारतन महर्जन

“

स्वकंचा कै खुनीबलय
मेमेगु तरकारि कै
खुनी बलय थें चिकनय
भवाँय याना: खुनी
मखु । ववालखं सिला:
ल: क्वाका: लखय
तया दायका: बुकेगु
याइ । चि मसलाया
लिसें स्वाद साकेत चिकं
क्वयकेगु याइ । चिकं
क्वयकी बलय भवाँय
याइगुलिं नं भितामिन
ए ब्वयावनेगु याइ ।
उकें अथे याइ बलय
नं खुल्ला रुपं भवाँय
मयासे पुसापालं त्वपुया:
जक याइ । थुकिं याना:
भवाँय याइ बलय ब्वया
वंगु भितामिन ए थलं
पिने वने मफया: हानं
थलयतुं वनी ।

जा नय बलय जा स्वकं मनसे
कैनाप बुला: नयगु याइ । थथे नयगु
कैय माय रहर बूब:या लिसें वाउँचा
तरकारि नं कै दयका: नयगु या: ।
वाउँचा तरकारि कै नयगुली फकंह:
सुकू याना: नं कै दयका: नयगु या: ।
थज्या:गु कैयात स्वकंचा कै धाइ ।
स्वकंचा कैय खुनी बलय ग्व:गु
आमलि नं ल्वाकछ्याना: खुनीगु चलन
दु । थथे याना: नयगु भिं, बांला: व
ज्यू धायगु चलन जनमानसय दु ।
भिं मभिया खें वयुवं उकियात दैबी
चमत्कारनाप स्वाके यकेगु भीगु चलन
दु । तर थ्व हुं दैबी चमत्कार मखु ।
थ्व छगू शरिरयात नीगु नसा कथं
कयात:गु ख: ।

नसा मनयकं मनू म्वानाच्चने
फइमखु । नसाया नाम्थे शरिरयात
मनीगु न्हय:नेला:गु नसा नयां नं मनू
स्वस्थ व निरोगि जुयाच्चने फइमखु ।
स्वस्थ व निरोगि जुयाच्चनेत नसाया
यक्व भूमिका दइ । स्वस्थकर नसां
स्वास्थ्य बांलाकातइसा अस्वस्थकर
नसां स्वास्थ्य स्यंकी । थथे नयगु नसाय
स्वकंचायात नं स्वस्थकर नसा कथं
कयात:गु दु ।

फकंया ह: सुकूगंका:
दयकात:गुयात स्वकंचा धाइ ।
स्वकंचा दयकेत क्यातु क्यातुगु
ह:या सिकं भचा छिपय जूगु ह:या
दयकी । थ्व तप्यंक निभालय पाना:
गंकीकखु । निभा: मदुथाय किचलय
हिला: जक गंकातइ ।

भीगु मिखा बांलाका तयगुया
निर्तिं भितामिन ए या त:धंगु भूमिका
दु । मिखा तेलाका तयत भितामिन
ए मदयकं मगा: धयागु खें स्वास्थ्य
बिज्ञानं पुस्ति याय धुंकूगु दु । थुकिया
लागि सरकारि स्तर पाखें इलय ब्वलय
भितामिन ए नकेगु कार्यक्रम तकं
संचालन यायगु यानाच्चनी ।

फकंया हलं ल: निभा: व फसं
थ:त मा:गु पोषण तत्व कायगु याइ ।
थथे काइगु पोषण तत्वय भितामिन ए
नं दयाच्चनी । फकंया हलं मेमेगु तत्व
खर्च या:सानं भितामिन ए खर्च मयासे
मुंकातइ । थथे मुंकात:गु भितामिन ए
क्यातुगु हलय सिकं छा:छा:गु हलय
यक्व दइ । उकें थज्या:गु फकंया
ह:यात भितामिन ए या खानि नं धायगु
या: ।



निभा: व मिया जलं भितामिन
ए ब्वया वनेगु याइ । अथे जुया:
थ्वयात तप्यंक निभा: व मिया जलय
लाकीमखु । स्वकंचा पाइ बलय नं
तप्यंक निभालय मपासे किचलय जक
हिला: गंकीगुलिं थुकी दुगु भितामिन ए
नस्त जुइमखु ।

स्वकंचा कै खुनीबलय मेमेगु
तरकारि कै खुनी बलय थें चिकनय
इवाँय याना: खुनी मखु । क्वालखं
सिला: ल: क्वाका: लखय तथा
दायका: बुकेगु याइ । चि मसलाया
लिसें स्वाद साकेत चिकं क्वयकेगु
याइ । चिकं क्वयकी बलय इवाँय
याइगुलिं नं भितामिन ए ब्वयावनेगु
याइ । उकें अथे याइ बलय नं खुल्ला
रुपं इवाँय मयासे पुसापालं त्वपुया:
जक याइ । थुकिं याना: इवाँय याइ
बलय ब्वया वंगु भितामिन ए थलं पिने
वने मफया: हानं थलयतुं वनी ।

आमली भितामिन सि यक्व



दइ । थ्व भितामिन सिया खानी हे
ख: । भितामिन सिया सवा: पाउँई ।
नसा घुतुं मवनी बलय पाउँक त्वसा
कया: नय बलय नसा नय यइगु मनूतय
स्वभाव दु । स्वकंचा धयागु उलि सा:गु
बस्तु मखु । तर थ्व हे बस्तुखय भीगु
मिखायात मा:गु तत्व दु । थज्या:गु
महत्व दुगु नसा नय यकेत पाउँक सवा:
कायया लागि थुकी हे आमलि नं तथा:
नइगु ख: । आमली भितामिन सी
दइगुलिं थुकिया सेबनं छेगुली व लुसी

वैचुक दाग थें दइगु नं लंकाछ्वइ ।
थुकथं हे थुकिं सेखं चा:गु लंकेत नं
ग्वाहालि याइ । थज्या:थज्या:गु हुनिं
याना: स्वकंचा कैय आमलि कुरका:
नय भिं, बांला:,जिउ धयात:गु ख: ।
न्हापा न्हापा थौंकन्हय थें जन
स्वास्थ्यया बारे च्यूता: तथा सरकारि
स्तरं कार्यक्रम याय म्वायक जनस्तरं
हे सामाजिक संरचना दुने लाका:
स्वास्थ्यया च्यूता: तयगु यानात:गुया
थ्व तरिका छगू नमुना कथं कायमा: ।

हरेक मंगलवार
राष्ट्रियताको लागि समर्पितमेरो साप्ताहिक
मेरो साप्ताहिक Mero Saptahik

माला: माला: ब्वनादिसं ।



Sweet Cave

(जीवन दाईया पस:)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन,
बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

भाषा आन्दोलन अभ्र नं न्ह्यानाच्चवंगु दु : मल्ल



लहना वाःपौ/ नेपालभाषाया संघर्ष सिद्धिदास महाजुनिसँ न्ह्यानाच्चवंगु व उगु संघर्ष आः नं मदिउनिगु खँ नेवाः न्ह्यलुवा लिसे मानव अधिकारकर्मी मल्ल के सुन्दरं धयादीगु दु। वय् कलं नेपालभाषाया चूलाःगु अधिकार सिद्धिदास महाजु थेंजाःपिनिगु निरन्तर संघर्ष व त्यागया हुनिं खः धयादीगु दु। नेवाः जागरण मञ्चया ग्वसालय् नेपालभाषाया सक्रिय कार्यकर्ता सुरेश किरण मानन्धर भाषा आयोगया दुजः जुयादीगु लसताय् ग्वसाः ग्वःगु सहलह मुँज्याय् नेवाः न्ह्यलुवा मल्ल उगु खँ धयादीगु खः।

वय्कलं भाषा आयोगं बागमती प्रदेशय् नेवाः व तामाङ भाय् कामकाजी भाय् कथं छ्यलेत सिफारिस याय् धुंकाः प्रदेश सरकारं थुक्रियात कार्यान्वयन याय्गु नितिं भाषा ऐन पारित याय्धुंकूगुलिं थुगु ऐनयात लागू याय्गु नितिं सकल नेवाःत मंकाः कथं न्ह्यायेमाःगु बिचाः नं प्वंकादीगु दु। वय्कलं आः हे ऐन लागू जुइधुंकाः धुक्क च्वेनेगु स्वयां ऐन लागू याय्गु नितिं थीथी कथंया ज्या याय्माःगु बिचाः नं प्वंकादीगु दु। लिसे थुक्रिया नितिं नेवाः देय् दबूयात क्वातुक पलाः न्ह्याकेत सुभाब बियादिसँ देय्

दबूयात ग्वाहालि याय्त याय्माःगु खँ नं धयादीगु दु।

भाषा आयोगया दुजः मा. सुरेशकिरण मानन्धरं भाषा आयोगं यांनाः वयाच्चवंगु ज्या व याय्माःगु ज्याया बारे थःगु धापू तयादिसँ भाषा आयोगं याकनं हे बहुभाषी सम्मेलन याय्गु नितिं सहलह जूगु खँ कनादीगु दु। लिसें वय्कलं आयोगपाखें नेपालभाषा सरकारीस्तरय् छ्यलेगु नितिं गन छु छु याय्फइ उक्रिया नितिं सुभाब बियादीत नं इनाप यांनादीगु दु। ज्याइवल्य नेवाः न्ह्यलुवा लिसे पुलांम्ह मन्त्री राजेन्द्र श्रेष्ठ, डा. पुष्पराज राजकर्णिकार, बागमती प्रदेशया सांसद शैलेन्द्र बज्राचार्य, नेवाः देय् दबूया न्वकू उमेश स्थापित, प्रा.डा. चुन्दा बज्राचार्य, पुलांम्ह महान्यायाधिवक्ता मुक्ति प्रधान, लोककवि राजभाई जकःमि, जनकलाकार वीरप्रसाद भन्सारी, यचु जोशी, यँ महानगरपालिकाया कार्यपालिका दुजः चिनिकाजी महर्जन, मातृभाषा अभियन्ता दिपक तुलाधरपिसं ब्वति कयादीगु खः।

‘नुगलय् दुने सुचुके धुन’ म्युजिक भिडियो पितब्वज्या



लहना वाःपौ/ सुन्दर श्रेष्ठ च्वयादीगु ‘नुगलय् दुने सुचुके धुन’ म्येया म्युजिक भिडियो छू ज्याइवः दथुइ पितब्वज्या जूगु दु। नेवाः साधना कला केन्द्रपाखें ग्वसाः ग्वःगु ज्याइवल्य संस्था पाखें दयेकूगु नुगः दुने सुचुके धुनया म्युजिक भिडियो मूपाहां लिसें लोकह्वाम्ह निर्देशक पवन जोशी पितब्वज्या यांनादीगु खः। गोविन्द ह्यूमर व दिपा महर्जनं हालादीगु उगु म्ये बागमति भाइ सुन्दर श्रेष्ठं च्वयादीगु खःसा गोविन्द ह्यूमरं

लय् तयादीगु म्युजिक ओरेन्ज भुपेन्द्र बज्राचार्य ओरेन्ज यांनादीगु खः। सुरज नापित व लिला जोशी अभिनय यांनादीगुलि म्युजिक भिडियोया समाः मीरा डंगोल, क्यामरा व सम्पादन सोहन मानन्धरं यांनादीगु खः। नेवाः साधना कला केन्द्रया नायः सुन्दरमान श्रेष्ठया सभाध्यक्षताय् जूगु ज्याइवल्य मूपाहां जोशी व पाहापिं विजय रत्न असंबरे व पौभाः साय् मि दुथ्याःगु ज्याइवल्य मिनर्वा श्रेष्ठं लसकुस यांनादीगु खः।

‘लालीगुराँस सम्मान २०८१’ विजयरत्नयात

लहना वाःपौ/ नेपाःया न्हापांगु सकिपा ‘आमा’ य् मां जुयाः मिहतादीम्ह चैत्यदेवी सिंह व सकिपा ख्यःया न्ह्यलुवाः पत्रकार विजयरत्न तुलाधर असंबरे लगायत स्वंगू दर्जन कलाकःमि, कासामि व उद्यमी, समाजसेवीपिंत ‘लालीगुराँस सम्मान २०८१’ देछागु दु।

लालीगुराँस कृयसन मिडिया नेपाल, तेजस्वी कला केन्द्र एण्ड मिडियाया मंकाः ग्वसालय् जूगु ज्याइवल्य सञ्चार लिसे सूचना प्रविधिमन्त्री पृथ्वी सुब्बा गुरुङ मूपाहां कथं भायादीगु खः। ज्याइवल्य नेपाःया सकिपा, संगीत, खेलकुद, पत्रकारिता, ब्युटीसियन, समाजसेवी व थीथी क्षेत्रय् कार्यरत व्यक्तित्वपिंत सम्मान याःगु खः।

ज्याइवल्य किर्तिमानी धावक बैकुण्ठ मानन्धर, नेपाःया न्हापांगु सकिपा ‘आमा’ या नापनापं न्हापांगु रंगीन सकिपा ‘कुमारी’ मिहतादीम्ह



चैत्यदेवी सिंह, चलचित्र क्षेत्रया अग्रज नायक विश्व बस्नेत, नेपाःया लोकगीत सम्राट कुमार बस्नेत, नेपाःया न्हापांम्ह ड्रमर देव राणापिन्त विशिष्ट सम्मान लःल्हाःगु खःसा पुलांम्ह अभिनेता व निर्देशक कमल कान्त मैनाली, वरिष्ठ संगीतकार लक्ष्मण शेष, गायक रोज मोक्तान, गायक व अभिनेता यस कुमार, वरिष्ठ मेकअप आर्टिष्ट सन्तु तामाङ, अग्रज पत्रकार बिजयरत्न तुलाधर असंबरेपिंत विशेष सम्मान देछाःगु खः।

लालीगुराँस कृयसन मिडिया नेपालया नायः ईन्द्र बिसुन्के बिन्दासया सभाध्याक्षताय् जूगु ज्याइवल्य तेजस्वी कला केन्द्र एण्ड मिडियाया अध्यक्ष व ज्याइवःया निर्देशक सुमनकुमार श्रेष्ठं लसकुस यांनादीगु खः। मूपाहां सञ्चार व सूचना प्रविधि मन्त्री पृथ्वी सुब्बा गुरुङ राष्ट्र यायेमाःगु ज्या स्वंगू संस्था जानाः याःगु खँयात च्वछायादीगु खः। ज्याइवः ओजस्वी मल्टिमिडियाया नायः व ज्याइवःया कजि अनिल सुनाम न्ह्याकादीगु खः।

विश्व फोटोग्राफी दिवस तःजिक हन



लहना वाःपौ/विश्व फोटोग्राफी दिवसया लसताय् यलय् लाय्कूलि फोटो प्रदर्शनी याःगु दु। १८५ क्वःगु विश्व फोटोग्राफी दिवसया लसताय्

राष्ट्रिय फोटो पत्रकार समूह नेपाल (एनएफपिजे) यलया लाय्कूलि फोटो प्रदर्शनी याःगु खः। ‘जब हिमाल मुस्कुराउँछ’ नारा बियाः याःगु फोटो

प्रदर्शनीइ नेपाःया फोटो पत्रकारतय्स थीथी इलय् कयातःगु हिमशृङ्गा लाया न्यय्पाः स्वयां अप्वः किपा ब्वज्या याःगु खः।

प्रदर्शनीया उलेज्या यासँ यलया प्रमुख जिल्ला अधिकारी तुलसीबहादुर श्रेष्ठ किपा ब्वज्या फोटोग्राफर तय्गु क्षमता अभ्र थहां वनिगु खँ धयादीगु खः।

दैय्दसं अगस्त १९ तारिखय् विश्व फोटोग्राफी दिवसया कथं हलिन्यकथंया फोटोग्राफरतय्स फोटोग्राफी दिवस हना वयाच्चवंगु दु। नेपालय् सन् १९९७ य् राष्ट्रिय फोटो पत्रकार समूहया स्थापना जुइ धुकाः विश्व फोटोग्राफी दिवस हनेगु याःगु खः।

सर्वोच्चया....

जूगुलिं उक्रियात कयाः सर्वोच्च अदालतय् पुनरावेदन यायेमाःगु सुभाब बियादीगु दु।

अथे हे मेम्ह अभियन्ता शान्तप्रकाश श्रेष्ठं स्वनिगःया नेवाःतय्त सखाप याय्गु योजना कथं हे गबलें सतक, गबलें खुसि व गबलें पार्क दय्केगु धकाः राज्यं हे सुनियोजित षडयन्त्र यांनाच्चवंगु खँ धयादिल। संघर्ष समितिं याकनं हे थीथी कथंया आन्दोलन न्ह्याकेगु तयारी यांनाच्चवंगु दु।

थ्व हे भवलय् नेकपा (एमाले)या काठमाडौं जिल्ला समितिं यँ मनपाया सुचंयात कयाः प्रधानमन्त्री केपी शर्मा ओलीया ध्यानाकर्षण याकूगु दु। यँ जिल्ला कमिटीया नायः दीपक निरौलाया नेतृत्वय् वंगु पुचलं प्रधानमन्त्री ओलीयात नीछ्गू बुँदाया ध्यानाकर्षण पौ लःल्हाःगु खः। ध्यानाकर्षण पौया न्हापांगु बुँदाय् सर्वोच्च अदालतया परमादेशयात कयाः पुनरावलोकनया नितिं माःगु पलाः न्ह्याकेत इनाप यांनातःगु दु।

श्रद्धेय भिक्षु

याकाच्चना बिज्याःम्ह वसपोलयात सुयातं नाप लाके बिउगु मदिनि।

थुगु घटनायात कया बुद्ध विहार भृकुटीमण्डप, भक्तपुर बौद्ध महिला संघ व बौद्ध युवा कमिटी यलं छगु विज्ञप्ति जारी यासँ गुणघोष महास्थविरयात जूगु आक्रमणया भर्त्सना याःगु दु। भगवान बुद्धया उपदेशयात अनुशरण यांनाः ध्यान व ज्ञानया अभ्यास यांनाच्चवंगु भिक्षुयात याकःचा च्वनाच्चवंगु इलय् दायाः घाःपाः याःगु सामान्य अपराध मखु धासँ विज्ञप्तिइ थज्याःगु घटनां बुद्धभूमि नेपालय् हे भिक्षुपिं असुरक्षित धैगु सन्देश विश्वय् वनेफुगुलिं घटनायात कयाः दोषीयात ज्वनाः कारवाही यायेत माग यांनातःगु दु।

अथेहे धौख्यःया यक्व सरकारी ज्याकू दुगु आवासीय क्षेत्रय् हे थज्याःगु घटना जूगुलिं शान्ति सुरक्षाया अवस्था तसकं कमजोर व दयनीय जूगु छर्लङ जूगु खँ वक्तव्य धयातःगु दु। वक्तव्यय् उपसंघनायक गुणघोषया उपचारया जिम्मा सरकारं हे कायेमाःगु माग नं यांनातःगु दु।

नेपालभाषाया
अनलाइन
पत्रिका



रञ्जना लिपिं पिहाँ
वयाच्चवंगु
रञ्जना लय्पौ
व्वनादिसँ/व्वंकादिसँ

प्रचलित नेपाललिपिं
पिहाँ वयाच्चवंगु
म्हसीका लय्पौ
व्वनादिसँ/व्वंकादिसँ



मोतिलानि सिरपा लःल्हात



लहना वाःपौ/एसईई निसैं एमए तगिमय् नेपालभाषा विषय कयाः ब्वपि मध्ये दकलय् अप्वः ल्याः हःपिन्त छू ज्यभूवःया दथुइ मोतिलानि सिरपा लःल्हाःगु दु । निसैं ११४१ निसैं ११४३ तकया खुम्ह ब्वनामिपित दसिपौ लःल्हायेगु ज्या जूगु खः ।

उगु ज्यभूवल्य मूपाहाँ ये महानगरपालिकाया पुलांम्ह मेयर विद्यासुन्दर शाक्य भायादीगु खः । स्वदैया दुने एसईई, बिए व एमएय नेपालभाषाय् उत्कृष्ट जूपि विद्यार्थिपित

दां सिरपाः सहित दसिपौ लःल्हाःगु खः ।

ने.सं. ११४१ य् एसईई जगतसुन्दर ब्वनेकुथिया पूर्णमा तुलाधर, बिण्य सोमी डंगोल, एमएय राकेशमान मास्के उत्कृष्ट जूगु खःसा ने.सं. ११४२ सं एसईई आर्दश मावि थिमिया निकेश बसी श्रेष्ठ व एमएय अनिल स्थापित उत्कृष्ट जूगु खः । अथेहे ने.सं ११४३ सं एसईई जगतसुन्दर ब्वनेकुथिया रविना श्रेष्ठ उत्कृष्ट जूगु खः । उत्कृष्ट जूपि

विद्यार्थीपित मूपाहाँ विद्यासुन्दर शाक्य व विशेष पाहाँ नेपालभाषा केन्द्रीय विभागया प्रमुख सह प्रा. राजनलाल जोशी दसिपौ, मोतिलानि सिरपाःया अध्यक्ष प्रा. प्रेमशान्ति तुलाधर स्वां, सरोज तुलाधर मतिनाया चिं व सिरपा दाता मोतिलानी ताम्राकारया तःधिकःम्ह म्थ्याय् सीता ताम्राकारं दां सिरपाः लः ल्हानादीगु खः ।

प्रा. तुलाधरया सभापतित्वय् जूगु ज्याइवल्य मूपाहाँ लिसैं पाहापिसं मदुम्ह ताम्राकारया किपाय् स्वांमाः देछासैं श्रद्धाञ्जली प्वकादीगु खःसा सिरपा समितिया स्थापनाकालीनिसैं दांभरि जुयाः ज्या यानादीम्ह मदुम्ह करुणामान शाक्यया लुर्मति छू मिनेट मौन धारण याःगु खः । दिव्या ताम्राकारं लसकुस यानादीगु ज्याइवल्य रमिता वज्राचार्य सिरपाः दाता मोतिलानी ताम्राकारया म्हासिका न्ह्यब्वयादीगु खः । अथे हे ताम्राकारया चीधिकःम्ह म्थ्याय् व सिरपाःया संरक्षक सरोज तुलाधरं सुभाय् देछायादीगु खः ।

क्षत्रपाति चिकित्सालययात एम्बुलेन्स



लहना वाःपौ/क्षत्रपाति चिकित्सालययात छू ज्यभूवः दथुइ एम्बुलेन्स लःल्हाःगु दु । बागमती प्रदेशया सांसद लिसैं पुलांम्ह प्रदेशमन्त्री बसन्त मानन्धरं थःगु विकास बजेटं चिकित्सालययात एम्बुलेन्स लःल्हागु खः ।

वंगु शुक्रवाः क्षत्रपाति निःशुल्क चिकित्सालयय् छू ज्यभूवःया दथुइ उगु एम्बुलेन्स सांसद मानन्धरं

चिकित्सालयया अध्यक्ष डा. मनोजमान श्रेष्ठयात लःल्हानादीगु खः ।

ज्यभूवल्य चिकित्सालयया व्यवस्थापन पुचः नाप थीथी व्यक्तित्वपनिगु उपस्थितिइ दुगु खः ।

प्रदेश सांसद मानन्धरं क्षत्रपाटी निःशुल्क चिकित्सालययात न्हापान्हापा नं थीथी कथं ग्वाहालि यानावयाच्वंगु खः ।

प्रदीप गिरीया लुमन्तिइ अन्तरक्रिया



लहना वाःपौ/ नेपाली कांग्रेस पेसागत तथा बुद्धिजीवी विभागं समाजवादी चिन्तक व कांग्रेसया नेता प्रदीप गिरीया निक्वःगु पुण्य तिथिइ 'प्रजातान्त्रिक समाजवाद : वर्तमान व भविष्य' शीर्षकय् बिचाः गोष्ठी यानाः वय्कःया व्यक्तित्व व योगदानयात लुमकल ।

कांग्रेस पेशागत व बुद्धिजीवी विभागया नायः डा. डिला संग्रौला पन्तया अध्यक्षताय् जूगु ज्याइवल्य पुलांम्ह राष्ट्रपति डा. रामवरण यादव मू पाहांकथं भायादीगु खः । डा. रामवरण यादव समाजवादी चिन्तक गिरीया

बिचाः व सादगीपन नाला काय्बहः जूगु बिचाः प्वकादीगु खः ।

डा. संग्रौलां लसकुस न्वचु ब्यूसें ल्याय्म्हत्तय् रोजगारी, म्हा मफुपित सितिकं वास, किसानयात समर्थन भावल्य सा, ब्वमिपित निःशुल्क शिक्षा दइगु धइगु हे समाजवाद खः धयादिल । ज्याइवल्य मू वक्ता कथं उद्धव सिन्देलं थःगु खँ तयादीगु खःसा गिरीया बारे प्रा. कृष्ण खनाल व नेकां नेता चन्द्र भण्डारी नं नुगः खँ प्वकादीगु खः । डा. लोकनाथ दुलाल न्ह्याकादीगु ज्याइवः कमलादीस्थित नेपाल प्रज्ञा प्रतिष्ठानया परिजात हल्य जूगु खः ।

समाजवादी नेवाः संघया तःमुँज्या पुसं

लहना वाःपौ/ नेपाल समाजवादी नेवाः संघं तमुज्या याइगु जूगु दु । वंगु शनिवाः संघया अध्यक्ष माधव श्रेष्ठया सभापतित्वय् च्वंगु बैठकं १०१ दुजः दुगु तःमुँज्या आयोजक समिति नीस्वंगु खः ।

समितिया संगठन विस्तार समिति संरक्षक अनुप सिंह सुवालया संयोजकत्वय् न्याम्ह दुजः दुगु कमिटी नीस्वंगु दु । उक्तथं संघया महासचिव दिलिप शाहीया संयोजकत्वय् स्वम्ह दुजः दुगु प्रचार प्रसार समिति नीस्वंगु दु । संघया तःमुँज्या थ्वहे वइगु पुसय् याय्गु क्वःजिउगु दु ।

उक्तथं हे किरण तुलाधरया संयोजकत्वय् व्यवस्थापन समिति, मोहन सैजुया संयोजकत्वय् मञ्च व्यवस्थापन समिति व सिद्धिराम खाइजुया संयोजकत्वय् अतिथि सत्कार समिति स्वंगु दु ।

सुशासन प्रवर्द्धन गरौं

- कानून पालना गर्ने संस्कार र संस्कृतिको विकास गरौं,
- भ्रष्टाचार, अनियमितता विरुद्ध शुन्य सहनशील बनौं,
- सार्वजनिक सेवालाई पारदर्शी र उत्तरदायी बनाऔं,
- राज्य र समाजप्रतिको जिम्मेवारी तथा कर्तव्यबोध गरौं,
- रचनात्मक आलोचना र सकारात्मक सोचको विकास गरौं,
- विकास निर्माणका कार्यमा सहभागिता जनाऔं,
- अनियमितताको कुनै सूचना भए नियामक निकायलाई जानकारी गराऔं,
- सुशासन कायम गर्न राज्य संयन्त्रलाई खबरदारी गरौं।



नेपाल सरकार
विज्ञापन बोर्ड

क्षत्रपाटी निःशुल्क चिकित्सालय (अस्पताल)

"स्तरीय शुलभ स्वास्थ्य सेवा सकसिया निति, असहायया निति त्रक निःशुल्क"

उपलब्ध सेवा

- २४सै घण्टा सेवा
- ईमरजेन्सी
- प्याथोलोजी
- एक्स रे
- ई सी जी
- औषधि पसल
- अन्तरंग सेवा

शल्यक्रिया

- मोसिन्
- अन्तरन सर्जरी
- बक हान घाँटी सम्बन्ध
- हाड्जोनी तथा नास सम्बन्ध
- बिना बिचकार पिसाब नलीको पत्वर सम्बन्ध

बहिरंग सेवा

- मुह रोग
- पेठ रोग
- घुरीबोजी
- नवी रोग
- बाल रोग
- बढान रोग
- बल रोग
- अंधा रोग
- अन्तरन मेडिसिन
- बर्ध तथा बीम रोग
- नाक कान घाँटी रोग
- अन्तरन हेल्थ चेक अप
- माइग्रेड
- मधुमेह

मेमेम सेवा

- टेसिङ
- इण्ट्रोस्कोपी
- कोनोस्कोपी
- फ्रिजियोथेरापी
- अन्तःशल्य, कन्ट्रोल र टुको
- घुरीबोजी सर्जरी बल प्रयोगशाला
- टिएम.ए.इ. इन्टर



२४ घण्टा
ईमरजेन्सी सेवा

७७८ गंगाखाल मार्ग, क्षत्रपाटी, काठमाडौं, फोन: ४२१६१३८, ४२५७९११, ४२६६२२९,